

三輔黃圖



乾隆甲辰五月刊

二二輯黃圖

靈巖山館藏

重刻三輔黃圖序

參侍郎蕃察院右副都史巡撫陝西寧遠左營鞏襄糧餉 銜一品頂戴 汪 撰
隋志云一卷記三輔宮觀陵廟明堂辟雍郊時等事卽所謂舊圖也如淳晉灼注漢書酈道元注水經宇文愷議立明堂王元規議上帝后土壇並稱之此本作六卷蓋唐世好事者所輯故雜用晉以後書并顏師古說又多與淳等引據不同攷宋敏求程大昌陳振孫王應麟諸輩所見卽今本是也知唐以後舊本已佚久矣大昌云漸臺彪池高廟元始祭社稷儀皆祖本舊圖今漸臺高廟無舊圖云云恐今本更非宋舊焉今並加校正而以今本所無者附載于後以乾隆四十有九年六月刻成是爲序

三輔黃圖序目

易曰上古穴居而野處後世聖人易之以宮室上棟下宇以待風雨蓋取諸大壯三代盛時未聞宮室過制秦穆公居西秦以境地多良材始大宮觀戎使由余適秦穆公示以宮觀由余曰使鬼為之則勞神矣使人為之則苦人矣是則穆公時秦之宮室已壯大矣惠文王初都咸陽取岐雍巨材新作宮室南臨渭北踰涇至於離宮三百復起阿房未成而亡始皇并滅六國憑藉富強益為驕侈殫天下財力以事營繕項羽入關燒宮闕三月火不滅漢高祖有天下始都長安寔曰西京欲其子孫長安都於此也長安本秦之鄉名高祖作都至孝武皇帝承文景菲薄之餘恃邦國阜繁之資土木之役倍秦越舊斤斧之聲畚鍤之勞歲月不息蓋騁其邪心以誇天下也昔孔子作春秋築一臺新一門必書於經謹其廢農時奪民力也今哀采秦漢以來宮殿門闕樓觀池苑在關輔者著於篇曰三輔黃圖云東都不與焉

卷之一

三輔沿革

三輔治所

京兆

馮翊

扶風

咸陽故城

宮

萇陽宮

棫陽宮

西垂宮

平陽宮

橐泉宮

步高宮

步壽宮

虢宮

長楊宮

斬年宮

梁山宮

信宮

興樂宮

朝宮

阿房宮

蘭池宮

馳道

鐘宮

雲閣

望夷宮

林光宮

漢長安故城

秦漢風俗

都城十二門

霸城門

宣平門

覆盎門

鼎路門

便門

章城門

直城門

雍門

洛城門

厨城門

橫門

卷之二

長安九市

長安八街九陌

長安城中閭里

漢宮

長樂宮

未央宮

建章宮

桂宮

北宮

甘泉宮

司馬門附

三輔黃圖序目

二

卷之三

長樂宮

鴻臺殿

臨華殿

溫室殿

長信宮

未央宮

宣室殿

溫室殿

清涼殿

宣明殿

廣明殿

昆德殿

玉堂殿

麒麟殿

金華殿

承明殿

掖庭宮

椒房殿

昭陽殿

飛翔殿

增成殿

合歡殿

蘭林殿

披香殿

三輔黃圖序目

三

鳳凰殿

鴛鴦殿

安處殿

常寧殿

茝若殿

椒風殿

發越殿

蕙草殿

高門殿

非常殿

織室

凌室

暴室

弄田

內謁者署

金馬門

路軫廡

建章宮

駘蕩宮

馭娑宮

天梁宮

枌詣宮

奇華殿

鼓簧宮

神明臺

北宮

壽宮

明光宮

太子宮中甲觀畫堂

甘泉宮

鈎弋宮

昭臺宮

長定宮

長門宮

永信宮

中安宮

儲元宮

犬臺宮

葡萄宮

步壽宮

梁山宮

黃山宮

回中宮

三良宮

集靈宮

集仙宮

存仙殿

存神殿

望仙臺

望仙觀

棠梨宮

竹宮

宜春宮

扶荔宮

全三輔黃圖序目

四

五林宮

宣曲宮

鼎湖宮

思子宮

萬歲宮

首山宮

明光宮

池陽宮

養德宮

日華宮

曜華宮

附見

卷之四

苑囿

周靈囿

漢上林苑

甘泉苑

御宿苑

思賢苑

博望苑

西郊苑

三十六苑

樂遊苑

宜春下苑

梨園

池沼

周靈沼

漢昆明池

鎬池

滄池

太液池

唐中池

百子池

十池

在上苑

飲飛外池

秦酒池

影娥池

琳池

鶴池

冰池

卷之五

臺榭

周靈臺

漢靈臺

栢梁臺

漸臺

神明臺

通天臺

涼風臺

魚池臺

酒池臺

著室臺

鬪雞臺

走狗臺

三輔黃圖序目

五

壇臺

韓信射臺

果臺

東西山臺

鈎弋臺

通靈臺

望鵠臺

眺瞻臺

桂臺

商臺

避風臺

長楊榭

辟廱

周辟廱

漢辟廱

明堂

周明堂

漢明堂

園丘

太學

宗廟

太上皇廟

高祖廟

高園

原廟

惠帝廟

文帝廟

景帝廟

武帝廟

昭帝廟

宣帝廟

元帝廟

成帝廟

寢廟園

新室九廟

南北郊

天郊

地郊

甘泉園丘

后土汾陰

社稷

官社

官稷

觀樓館附

三輔黃圖序目

六

豫章觀

飛廉觀

屬玉觀

青梧觀

射熊觀

石闕觀

封巒觀

白楊觀

長平觀

龍臺觀

涿木觀

細柳觀

成山觀

僊人觀

霸昌觀

蘭池觀

安臺觀

淪沮觀

禁觀

董賢觀

蒼龍觀

當市觀

旗亭樓

馬伯騫樓

麒麟館

朱雀館

龍興館

含章館

閣

石渠閣

天祿閣

麒麟閣

未央宮堯閣

白虎閣

屬車閣

署

虎威

章溝

八營

庫

武庫

靈金內府

倉

太倉

細柳倉

嘉倉

廡

未央大廡

六廡

九廡

霸昌馬廡

都廡

中廡

圈

秦獸圈

漢獸圈

虎圈

橋

黃橋

渭橋

霸橋

便門橋

飲馬橋

陵墓

漢十五陵

李夫人墓

王莽妻億年墓

雜錄

禁中

省中

鹵簿

清道

靜室

離宮

三輔黃圖序目

七

行在所

陛下

繭館

蠶室

鐘室

作室

長安御溝

闕觀

塾

城

掖門

闈闈

永巷

蠻夷邸

關中八水

三輔黃圖卷之一

三輔沿革

禹貢九州舜置十二牧雍其一也古豐鎬之地平王東遷以岐豐之地賜秦襄公至孝公始都咸陽秦孝公十二年於渭北作咸陽

徙都咸陽在九峻山渭水北山水俱在南故名咸陽秦并天下置內史以領關中項籍滅秦分其地為三以章邯為

雍王都廢邱今興平縣地沅案此下小注皆用唐時地理知此書唐時人所纂輯司馬欣為塞王都櫟陽董翳為翟王都高奴今延州金明縣謂之三秦漢高

祖入關定三秦元年更為渭南郡九年罷郡復為內史五年高帝在洛陽婁敬說曰夫秦地被山帶河四塞以為固

卒然有急百萬眾可立具因秦之故資甚美膏腴之地此所謂天府陛下入關而都之山東雖亂秦故地可全而有

也又田旬賀高帝曰陛下治秦中秦形勢之國帶河阻山持戟百萬秦得百二焉地勢便利其以下兵於諸侯猶居

高屋之上建瓴水也自是漢始都之景帝分置左右內史此為右內史武帝太初元年改內史為京兆尹與左馮翊

右扶風謂之三輔其輔俱在長安古城中

三輔治所

京兆在故城南尚冠里京大也天子曰兆民公羊曰馮翊

在故城內太上皇廟西南馮憑也翊輔也翊輔扶風在夕

陰街北扶持也助也言助風化也今岐州

三輔者謂主爵中尉及左右內史漢武帝改曰京兆尹左

馮翊右扶風共治長安城中是為三輔三輔郡皆有都尉如諸郡京輔都尉治華陰左輔都尉治高陵右輔都尉治鄠王莽分長安城旁六鄉置帥各一人分三輔為六都尉渭城安陵以西北至栒邑義渠十縣屬京尉大夫府居故長安寺高陵以北十縣屬師尉大夫府居故廷尉府新豐以東至湖十縣屬翊尉大夫府居城東霸陵杜陵以東至藍田西至武功郁夷十縣屬光尉大夫府居城西茂陵槐里以西至汧十縣屬扶尉大夫府居城西長陵池陽以北至雲陽沅案至雲陽三字各本皆無顏師古引有之今增入葭栩十縣屬列尉大夫府居城北沅案城北二字各本皆無顏師古引有之今增入後漢光武之後扶風出治槐里馮翊出治高陵案百官表顏師古注引黃圖云京兆在尚冠前街東入故中尉

三輔黃圖卷之一

府馮翊在太上皇廟西入右扶風在夕陰街北入故主爵府長安以東為京兆長陵以北為左馮翊渭北以西為右扶風沅案此案語未知何人所加

咸陽故城在今咸陽東二十里

自秦孝公至始皇帝胡亥竝都此城案孝公十二年作咸陽築冀闕徙都之始皇二十六年徙天下高貴富豪於咸陽三十萬戶諸廟及臺苑皆在渭南秦每破諸侯徹其宮室作之咸陽北坂上南臨渭自雍門以東至涇渭殿屋複道周閣相屬所得諸侯美人鐘鼓以充之二十七年作信宮渭南已而更命信宮為極廟象天極自極廟道通驪山作甘泉前殿築甬道自咸陽屬之始皇窮極奢侈築咸陽宮因北陵營殿端門四達以則沅案則舊本皆作制藝文類聚初學記及長安志等

書皆作則今依改之紫宮象帝居引沅案水經注藝文類聚初學渭

水灌沅案灌水經注都以象天漢橫橋南渡以法牽牛橋雍錄皆作貫

廣六丈南北二百八十步沅案水經注作三百八十步六十八間八百

五十柱沅案水經注作七百五十柱二百一十二梁沅案水經注作百

十梁沅案玉橋之南北隄繳沅案玉立石柱咸陽北至九嶷甘泉

南至鄠杜東至河西至汧渭之交東西八百里南北四百

里離宮別館相望聯屬木衣綈綉土被朱紫宮人不移樂

不改懸窮年忘歸猶不能徧

宮馳道閣附

萇陽宮秦文王所起今在鄠縣西南二十三里

棧陽宮秦昭王所作今在岐州扶風縣東北

三輔黃圖卷之一

三

西垂宮文公元年居垂宮沅案雍錄云此宮不知何屬

平陽封宮武公元年伐彭戲氏至于華山下居於平陽封

宮

橐泉宮皇覽曰秦穆公冢在橐泉宮祈年觀下

步高宮在新豐縣亦名市邱城

步壽宮在新豐縣步高宮西

虢宮秦宣太后起在今岐州虢縣界

長楊宮在今盩厔縣東南三十里本秦舊宮至漢修飾之

以備行幸宮中有垂楊數畝因為宮名門曰射熊觀秦漢

游獵之所

斬年宮穆公所造廟記曰斬年宮在城外秦始皇本紀斬

年宮在雍沉案雍錄曰黃圖斬為祈漢書亦作祈古字通用

梁山宮始皇幸梁山在好時

信宮亦曰咸陽宮解見前

興樂宮秦始皇造漢修飾之周回二十餘里漢太后常居之

朝宮始皇三十五年以咸陽人多先王之宮庭小曰吾聞

周文王都豐武王都鎬豐鎬之間帝王之都也乃營朝宮

於渭南上林苑庭中可受十萬人車行酒騎行炙千人唱

萬人和收天下兵古以銅為兵聚之咸陽銷以為鐘鑪高三丈

鍾小者皆千石也銷鋒鏑以為金人十二以弱天下之人

立於宮門三輔舊事云鑄金狄人立阿房殿前坐高三丈銘其後曰皇帝二

三輔黃圖卷之一 四

十六年初兼天下改諸侯為郡縣一法律同度量大人來

見臨洮其大五丈足跡六尺銘李斯篆蒙恬書董卓悉椎

破銅人銅臺以為小錢英雄記曰昔大人見臨洮而銅人

鑄臨洮生卓而銅人毀天下大亂卓身滅抑有以也餘二

人魏明帝欲徙詣洛陽清明門裏載至霸城重不可致便

留之

阿房宮亦曰阿城惠文王造宮未成而亡始皇廣其宮規

恢三百餘里離宮別館彌山跨谷輦道相屬閣道通驪山

八百餘里表南山之顛以為闕絡樊川以為池作阿房前

殿東西五十步南北五十丈上可坐萬人下建五丈旗以

木蘭為梁以磁石為門磁石門乃阿房北闕門也門在阿房前悉以磁石為之故專其目令

四夷朝者有隱甲皆以入門而脅止以示神亦曰却胡門周馳爲複道度渭屬之咸陽以象太極閣道抵營室也阿房宮未成欲更擇令名名之作宮阿其旁故天下謂之阿房宮隱宮徒刑者七十餘萬人乃分作阿房宮或作驪山

蘭池宮始皇三十一年爲微行咸陽與武士四人俱夜出逢盜蘭池注渭城縣有蘭池宮

鐘宮在鄂縣東北二十五里始皇收天下兵銷爲鐘錄此

或其處也

元案在鄂縣者爲鐘官非宮也此實誤

馳道案秦本紀始皇二十七年治馳道注曰馳道天子道也蔡邕曰馳道天子所行道也今之中道然漢書賈山傳曰秦爲馳道於天下東窮燕齊南極吳楚江湖之上濱海

三輔黃圖卷之一

五

之觀畢至道廣五十步三丈而樹厚築其外隱以金椎樹以青松漢令諸侯有制得行馳道中者行旁道無得行中央三丈也不如令没入其車馬

雲閣二世所造起雲閣欲與南山齊

望夷宮在涇陽縣界長平觀道東北臨涇水以望北夷以爲宮名

林光宮胡亥所造從廣各五里在雲陽縣界

漢長安故城

漢之故都高祖七年方修長安宮城自櫟陽徙居此城本秦離宮也初置長安城本狹小至惠帝更築之按惠帝元年正月初城長安城三年春發長安六百里內男女十四

萬六千人三十日罷城高三丈五尺下闊一丈五尺六月
發徒隸二萬人常役至五年復發十四萬五千人三十日
乃罷九月城成高三丈五尺下闊一丈五尺上闊九尺雉
高三坂周回六十五里城南爲南斗形北爲北斗形至今
人呼漢京城爲斗城是也漢舊儀曰長安城中經緯各長
三十二里十八步地九百七十二頃沅案玉海作九
百七十三頃八街
九陌三宮九府三廟十二門九市十六橋地皆黑壤今赤
如火堅如石父老傳云盡鑿龍首山土爲城水泉深二十
餘丈樹宜槐與榆松柏茂盛焉城下有池周繞廣三丈深
二丈石橋各六丈與街相直

秦漢風俗

三輔黃圖卷之一

六

漢志曰秦有四塞之固昔后稷封釁公劉處豳太王徙岐
文王作豐武王治鎬其民有先王遺風好稼穡本業故豳
詩言農桑衣食之業甚備秦都咸陽徙天下富豪十二萬
戶漢高帝都長安徙諸齊田楚屈昭景及諸功臣於長陵
後世世徙吏二千石高貲富人及豪傑兼并之家於諸陵
強本弱末以制天下是故五方錯雜風俗不一貴者崇侈
靡賤者薄仁義富強則商賈爲利貧窶則盜賊不禁閭里
嫁娶尤尙財貨送死過度故漢之京輔號爲難理古今之
所同也

都城十二門

長安城東出南頭第一門曰霸城門民見門色青名曰青

城門或曰青門門外舊出佳瓜廣陵人邵平為秦東陵侯秦破為布衣種瓜青門外瓜美故時人謂之東陵瓜廟記曰霸城門亦曰青綺門漢書王莽天鳳三年霸城門災莽更霸城門曰仁壽門無疆亭

長安城東出第二門曰清明門一曰籍田門以門內有籍田倉一曰凱門漢書平帝元始四年東風吹屋瓦且盡即此門也漢宮殿疏曰第二門名城東門莽更名曰宣德門布恩亭

長安城東出北頭第一門曰宣平門民間所謂東都門漢書曰成帝建始元年有白蛾羣飛蔽日從東都門至枳道又疏廣太傅受少傅上疏乞骸骨歸公卿大夫為設祖道

供張東都門外即此門也其郭門亦曰東郭沅案東郭舊本作東都從

玉海即逢萌掛冠處也王莽更名春王門正月亭東都門改

至外郭亭十三里

長安城南出東頭第一門曰覆盎門一號杜門廟記曰覆盎門與洛門相去十三里二百一十步門外有魯班輪所

造橋工巧絕世長樂宮在城中近東直杜門其南有下杜

城漢書集注云故杜陵之下聚落也故曰下杜門沅案舊本作故

曰下門此從玉海增又曰端門北對長樂宮漢書曰戾太子所斫覆

盜門出奔湖王莽更名曰永清門沅案水經注作永青門長茂亭

長安城南出第二門曰安門亦曰鼎路門北對武庫王莽

更名曰光禮門顯樂亭

長安城南出第三門曰西安門北對未央宮一曰便門卽平門也古者平便皆同字武帝建元二年初作便門橋跨渡渭水上以趨陵其道易直三輔決錄曰長安城西門曰便門沈案舊本亦作便橋此以意改橋北與門對因號便橋王莽更名曰信平門誠正亭

長安城西出南頭第一門曰章城門漢宮殿疏曰章城門漢城西面南頭第一門三輔舊事曰章門一曰光華門又曰便門漢書成帝元延元年章城門牡自亡顏師古注云牡所以開

者也亦以鐵爲之王莽改曰萬秋門億年亭

長安城西出第二門曰直城門漢宮殿疏曰西出南頭第二門也亦曰故龍樓門門上有銅龍本名直門王莽更曰直道門端路亭

長安城西出北頭第一門曰雍門本名西城門王莽改曰章義門著誼亭沈案舊本皆作著義亭從玉海改其水北入有函里民呼

曰函里門

長安城北出東頭第一門曰洛城門又曰高門漢宮殿疏曰高門長安北門也又名鶴雀臺門外有漢武承露盤在臺上王莽更曰進和門臨水亭沈案舊本皆缺王莽更名句從玉海增

長安城北第二門曰廚城門長安廚在門內因爲門名王莽更名建子門廣世亭

長安城北出西頭第一門曰橫門漢書虎上小女陳持弓走入光門卽此門也門外有橋曰橫橋漢書作走入橫城門如淳曰橫音光

王莽更曰朔都門左幽亭

沉案舊本皆缺王莽更曰句從玉海增

漢城門皆有候門候主候時謹啓閉也三輔決錄曰長安城面三門四面十二門皆通達九達以相經緯衢路平王可並列車軌十二門三塗洞闢沉案雍錄引闢作開隱以金椎周以林木左右出入爲往來之徑行者升降有上下之別班固西都賦云披三條之廣路立十二之通門又張衡西京賦云城郭之制則旁開三門參塗夷庭方軌十二街衢相經是也